

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
 fax: + 387 33 552 810
 selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
 fax: + 387 33 552 810
 dzenita@sogfbih.ba

Sadržaj biltena:

Najava održavanja 9. sjednice Skupštine NALASa	1
Vlada FBiH usvojila LOD metodologiju	1
Održana sjednica Komisije Saveza za ustavna i zakonodavna pitanja	2
Neophodna harmonizacija imovinskih zakona	2
Još 11 općina u projektu USAID-a i SIDA-e za nova radna mjesta	3
Vlada Japana donirala blizu 100.000 eura za rekonstrukciju vodovodne mreže u B.Petrovcu	3
Slovenija finansira izradu projektne dokumentacije za kolektorske mreže otpadnih voda u tri općine	4
Započinje implementacija programa '777'	4
Predstavnici NVO 'Insieme per Sarajevo' posjetili Općinu Kladanj	5
Održana vanredna sjednica Općinskog vijeća Gračanica	5
Općina Sapna obilježila 16 godina postojanja i rada	6
U Goraždu moguća izgradnja rizorta vrijednog oko 220 mil USD	7

Bilten Saveza općina i gradova Federacije Bosne i Hercegovine

NAJAVA ODRŽAVANJA 9. SJEDNICE GENERALNE SKUPŠTINE MREŽE LOKALNIH VLASTI JUGOISTOČNE EVROPE "NALAS"

Savez općina i gradova Federacije Bosna i Hercegovina će ove godine biti domaćin 9. sjednice Generalne skupštine Mreže lokalnih vlasti jugoistočne Evrope "NALAS", koja će se održati 10. i 11. aprila/travnja u Sarajevu, Hotel 'Europa'.

Skupština će okupiti oko 100 gradonačelnika - predstavnika asocijacija lokalnih vlasti iz 12 država jugoistočne Evrope koje predstavljaju više od 4.000 jedinica lokalne samouprave i oko 80 miliona građana.

Pored predstavnika lokalnog nivoa, učešće će uzeti i brojni visoki politički dužnosnici, predstavnici međunarodne zajednice i mnogi drugi ugledni gosti iz zemlje i inostranstva.

NALAS mreža je osnovana 2001. godine, uz podršku Kongresa lokalnih i regionalnih vlasti Vijeća Evrope, Pakta stabilnosti jugoistočne Evrope i Vijeća Evrope.

NALAS aktivno promovira decentralizaciju i partnerstvo sa višim nivoima vlasti, uzimajući u obzir lokalnu samoupravu kao ključni faktor u ovom procesu. NALAS pomaže pri izgradnji partnerstava u svrhu stabilizacije regiona, te pruža podršku u procesu evropskih integracija zemalja regije.

Savez općina i gradova Federacije Bosne i Hercegovine je jedan od osnivača NALAS-a, te aktivno učestvuje u aktivnostima putem svojih predstavnika.



VLADA FEDERACIJE BOSNE I HERCEGOVINE USVOJILA LOD METODOLOGIJU



Savez općina i gradova Federacije Bosne i Hercegovine, u saradnji sa Razvojnim programom Ujedinjenih nacija (UNDP), od 01. januara/siječnja 2013. godine počeo je sa implementacijom projekta "Podrška jačanju lokalne samouprave FBiH u pružanju efektivnijih i efikasnijih usluga". U okviru komponente LOD III ovog projekta, osim horizontalne, predviđena je aktivnost podrške vertikalnoj integraciji LOD metodologije kao mehanizma za transparentno finansiranje projekata organizacija civilnog društva po standardima Evropske unije.

U skladu sa nevedenim, Savez općina i gradova Federacije BiH je u proteklom periodu, između ostalog, intenzivno radio na promociji LOD metodologije prema federalnom nivou vlasti (svim ministarstvima), te je u tom smislu Federalnom ministarstvu pravde (kao resornom ministarstvu) 20.01.2014. godine dostavio LOD metodologiju s ciljem usvajanja iste od strane Vlade Federacije Bosne i Hercegovine. Pismo podrške LOD projektu i metodologiji potpisao je i NJ. E. Peter Sorensen, šef Delegacije Evropske unije u Bosni i Hercegovini/specijalni predstavnik EU.

Nakon što su Federalno ministarstvo finansija/finansija i Ured za zakonodavstvo i usklađenost sa propisima Evropske unije dostavili pozitivna mišljenja, Vlada Federacije Bosne i Hercegovine je na 103. sjednici održanoj 13.03.2014. godine donijela Odluku kojom je usvojila LOD metodologiju.

U nastavku slijedi izvod iz Saopćenja o radu sa 103. sjednice Vlade Federacije Bosne i Hercegovine koji se odnosi na LOD metodologiju:

“cilj LOD metodologije je da pruži jasne procedure za transparentnu dodjelu sredstava organizacijama civilnog društva (OCD), uz osiguranje jačanja međusobnog povjerenja.”

„ODLUKA O USVAJANJU LOD METODOLOGIJE

Federalna vlada donijela je Odluku kojom je usvojila Metodologiju za transparentno finansiranje projekata organizacija civilnog društva po standardima Evropske unije (LOD metodologija).

LOD metodologiju Vlada FBiH preporučuje na usvajanje i primjenu nižim nivoima vlasti (kantonima i jedinicama lokalne samouprave).

Za provedbu Metodologije nije potrebno osigurati dodatna budžetska sredstva, a za praćenje realizacije današnje Odluke zadužena su federalna ministarstva pravde i finansija.

Kako je obrazloženo, cilj LOD metodologije je da pruži jasne procedure za transparentnu dodjelu sredstava organizacijama civilnog društva (OCD), uz osiguranje jačanja međusobnog povjerenja. Što je najvažnije, pravilna upotreba LOD metodologije putem maksimalizacije iskorisćenosti (efikasnog i efektivnog trošenja) sredstava dodijeljenih organizacijama civilnog društva, doprinosi ostvarivanju razvojnih ciljeva organa vlasti.

Uz projektni pristup, organi vlasti realizuju svoje ciljeve koji su postavljeni u strategijama razvoja, zajedno sa organizacijama civilnog društva. Projektni pristup podrazumijeva da se na javan i transparentan način raspisuje poziv svim OCD-ovima da dostave svoje projektne prijedloge, koji bivaju ocijenjeni, te finansirani iz budžeta.“

Podsjećamo da komponenta LOD III ovog projekta se realizuje u sklopu UNDP-ovog projekta “Jačanje lokalne demokratije/demokracije III – LOD III” kojeg finansira Evropska unija iz sredstava Instrumenata za pretprijetnu pomoć (IPA) u iznosu 2 miliona eura.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ODRŽANA SJEDNICA KOMISIJE ZA USTAVNA I ZAKONODAVNA PITANJA

Četvrta sjednica Komisije za ustavna i zakonodavna pitanja Saveza općina i gradova FBiH održana je u četvrtak, 20. marta/ožujka u Općini Novo Sarajevo.

Članovi Komisije su, između ostalog razmatrali sljedeća pitanja: Nacrt zakona o pravobranilaštvu Srednjobosanskog kantona, Nacrt zakona o upotrebi znakovnog jezika u Srednjobosanskom kantonu, Inicijativu Općine Tuzla za promjenu Zakona o državnoj službi u FBiH, Inicijativu Općine Tuzla za promjenu Zakona o matičnim knjigama, Nacrt zakona o zaštiti od buke Tuzlanskog kantona.

Također, Komisija je razmatrala i stanje u oblasti naplate članskog doprinosa za rad Saveza i Prijedloge zakona o gradovima Bihać, Široki Brijeg, Tuzla i Zenica.

Zabilješke sa svih sjednica komisija možete naći na web stranici Saveza.

NEOPHODNA HARMONIZACIJA IMOVINSKIH ZAKONA

STARI GRAD SARAJEVO, 14. mart/ožujak – Neophodna je harmonizacija i donošenje izmjena i dopuna Zakona o građevinskom zemljištu uporedo sa izmjenama i dopunama Zakona o stvarnim pravima, da bi bila moguća primjena Zakona u praksi, zaključeno je ovo na sastanku predstavnika općina: Stari Grad, Centar, Ilidža, Novo Sarajevo, Hadžići, Ilijaš, Saveza općina i gradova FBiH, Zemljišno-knjižnog ureda, notara i pravobranioca, navodi se na web stranici Općine Stari Grad Sarajevo.

Na zajedničkom sastanku zaključeno je i da se uporedo traži izmjena tj., harmonizacija gore navedenih zakona sa svim ostalim propisima koje se odnose na imovinske zakone. Zahtjevi i zaključci će biti dostavljeni Federalnom ministarstvu pravde, Parlamentu Federacije Bosne i Hercegovine, te parlamentarnim strankama u što kraćem roku.

Inicijator sastanka je bila Općina Stari Grad Sarajevo, a povod je bio donošenje zajedničkog stava povodom seta imovinskih zakona koji su trenutno u koliziji i koje je neophodno harmonizirati.



Sa sastanka u Starom Gradu,
14.03.2014

JOŠ 11 OPĆINA BIH U PROJEKTU USAID-a I SIDA-e ZA NOVA RADNA MJESTA



SARAJEVO, 10. mart/ožujak – Predstavници Američke agencije za međunarodni razvoj (USAID) i Švedske međunarodne agencije za razvoj i saradnju (SIDA) potpisali su danas u Sarajevu Memorandum o razumijevanju s načelnicima 11 partnerskih općina koje gravitiraju Sarajevu za "Projekt unapređenja lokalnog razvoja", javlja portal

Indikator.ba.

Riječ je o općinama Goražde, Ilidža, Istočna Ilidža, Istočno Novo Sarajevo, Novi Grad, Novo Sarajevo, Pale, Stari Grad, Visoko, Vogošća i Zenica.

Direktor misije USAID-a u BiH David Barth izjavio je da su ponosni što, u saradnji sa SIDA-om, Njemačkim društvom za međunarodnu saradnju (GIZ) i nekim od najinovativnijih općina u BiH, čine sve što mogu radi privlačenja investicija i stvaranja novih radnih mjesta.

- USAID je posvećen saradnji s onima koji nastoje postići značajne ciljeve i vjerujemo da ćemo do kraja ovog projekta, vrijednog 20 mil EUR, koji će trajati pet godina, stvoriti 16.000 novih radnih mjesta - rekao je Barth.

On je pojasnio da će svaka od općina u okviru projekta kreirati vlastiti plan ekonomskog razvoja u skladu sa svojim potencijalima, bilo da je to turizam, teška industrija, obrada metala, obrada drveta ili nešto drugo za šta smatraju da može uspješno doprinijeti povećanju zaposlenosti.

Savjetnik Švedske ambasade/SIDA-e Pelle Persson istakao je da lokalne zajednice moraju iskoristiti svoje jedinstvene prednosti kako bi zadržale postojeće i privukle nove investicije, te da će saradnja s GIZ-om dodatno doprinijeti povećanju konkurentnosti partnerskih općina.

Naglašeno je da će za ostvarivanje ciljeva projekta biti angažirani građani, javni i privatni sektor, akademska zajednica, nevladine organizacije, te donatori.

U projekt će biti uključeno ukupno 48 lokalnih zajednica koje će na raspolaganju imati istu podršku i usluge.

VLADA JAPANA DONIRALA BLIZU 100.000 EURA ZA REKONSTRUKCIJU VODOVODNE MREŽE U BOSANSKOM PETROVCU

Ambasador Japana u Bosni i Hercegovini Hideo Yamazaki je u Sarajevu 18. marta/ožujka 2014. godine, potpisao ugovor s načelnikom Općine Travnik Admirom Hadžiemrićem i načelnikom Općine Bosanski Petrovac Zlatkom Hujićem o donaciji od 184.000 eura za projekte vodosnabdijevanja u te dvije općine.

Za Općinu Bosanski Petrovac osigurana su sredstva od 92.320 eura.

Ambasador Yamazaki je istaknuo da će nakon implementacije ugovorom planiranih aktivnosti više od 1.200 ljudi imati kvalitetan sistem napajanja vodom te da će gubici vode biti svedeni na minimum.

"Kvalitetna voda je preduvjet za normalan život, nadam se da će rezultati projekta biti i bolji zdravstveni uvjet te da će projekt doprinijeti promociji održivog projekta", kazao je Yamazaki.

Načelnik Općine Bosanski Petrovac Zlatko Hujić je naglasio da je donacija od velike koristi stanovnicima te općine i da će osigurati kvalitetnu vodu povratnicima koji su naseljeni na području općine. Dodao je i da je posebno zahvalan i sretan zbog želje naroda Japana da pomažu BiH i njenim stanovnicima.

Donirana sredstva u iznosu 92.319 eura za općinu Bosanski Petrovac koristit će se za obnovu postojeće vodovodne mreže. U okviru projekta, biće zamijenjene vodovodne cijevi na trasi dužine 3.160 metara kako bi bilo osigurano stabilno vodosnabdijevanje za oko 7.000 ljudi koji žive na područje ove općine.

Vlada Japana pridaje veliku važnost projektima vodosnabdijevanja. Od 1996. godine do danas, Vlada Japana donirala je oko 1.300.000 eura za projekte vodosnabdijevanja širom Bosne i Hercegovine.



Potpisivanje ugovora o vodosnabdijevanju sa ambasadorom Japana





SLOVENIJA FINANSIRA IZRADU PROJEKTNE DOKUMENTACIJE ZA KOLEKTORSKE MREŽE OTPADNIH VODA U TRI OPĆINE

Firma Projekt Nova Gorica bit će uključena u izradu investicijske i tehničke dokumentacije za kanalizacijski sistem i prečištač otpadnih voda za općine Ilijaš, Vogošća i Breza koje se finansira iz sredstava donacije Republike Slovenije.

Tim povodom u kabinetu načelnika Općine Ilijaš upriličeno je potpisivanje pisma namjere i dokumenta o izradi projektne dokumentacije. "Ovaj dogovor znači da će se riješiti pitanje otpadnih i površinskih voda. Centar za međunarodni razvoj Slovenije finansirat će izradu projektne dokumentacije, firma Projekt će vršiti projektovanje i tri općine će dobiti dokumentaciju kako bi mogle aplicirati prema evropskim sredstvima za samo izvođenje radova", kazao je načelnik općine Ilijaš Akif Fazlić.



Projekt izgradnje zajedničkog prečištača i kolektorske mreže otpadnih voda za općine Vogošća, Ilijaš i Breza načelnik Općine Vogošća Edin Smajić nazvao je projektom budućnosti.

I načelnik Breze Halil Tuzlić rekao je da općina Breza nema riješeno pitanje odvodnje fekalija, oborinskih voda, prečištače ili funkcionalan kanalizacioni sistem. "Treba istrajati do kraja na ovom projektu i sve dok se ne izvrši kandidovanje kod odgovarajućih fondova, nismo ništa napravili. Ukoliko se dovede do konačne realizacije, što je dugotrajan proces, to će značiti ogromni napredak za sve tri uključene općine", naglasio je Tuzlić.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ZAPOČINJE IMPLEMENTACIJA PROGRAMA '777'



U Sarajevu je, u utorak, 18. marta/ ožujka, održana ceremonija potpisivanja memoranduma o uspostavi međuopćinske saradnje i ugovora o implementaciji programa '777'.

Memorandum i ugovore su potpisale partnerske općine Sanski Most, Žepče, Novi Travnik i Orašje, zajedno sa Fondacijom za podsticanje inovacija u razvoju BID koja je tehnički nositelj implementacije.

Program '777' ima za cilj uspostaviti efikasan sistem međuopćinske saradnje, kreirati zajedničku platformu djelovanja

te ojačati općinske kapacitete za privlačenje investicija, izradu i implementaciju razvojnih politika. Ovo treba rezultirati kreiranjem '777' novih radnih mjesta u partnerskim općinama u trogodišnjem periodu.

Program predstavlja nastavak uspješne međuopćinske saradnje, uspostavljene tokom implementacije programa "Lokaliziranje gendera u Federaciji Bosne i Hercegovine", koji je između ostalog, rezultirao kreiranjem 250 radnih mjesta u općinama učesnicama.

Partneri na programu su istakli važnost međuopćinske saradnje kao nezaobilaznog alata za unapređivanje lokalnog razvoja, prevazilaženje prepreka sa kojima se jedinice lokalne samouprave susreću u razvojnim procesima te kao razvojnog mehanizma za osiguravanje stabilnog ekonomskog razvoja i kreiranje novih radnih mjesta.



NOVI TRAVNIK



PREDSTAVNICI NVO „INSIEME PER SARAJEVO“ POSJETILI OPĆINU KLADANJ



Općinu Kladanj, 19. marta/ ožujka su posjetili predstavnici italijanske nevladine organizacije „Insieme per Sarajevo“, koji su ovom prilikom održali sastanak sa



Općinskim načelnikom i njegovim saradnicima, a na kome je razgovarano o saradnji u realizaciji projekata u oblasti poljoprivrede.

Naime ova organizacija koja djeluje u gradu Vicenza izrazila je spremnost da u partnerstvu sa Općinom Kladanj putem beskamatnih kredita pomogne lokalnom stanovništvu u pokretanju mini projekata.

Italijanska organizacija kako je istakao njen predsjednik Sante Bressan uspješno je realizovala nekoliko projekata na području Bosne i Hercegovine.

ODRŽANA VANREDNA SJEDNICA OPĆINSKOG VIJEĆA GRAČANICA



GRAČANICA, 19. mart/ožujak – Jučer je održana vanredna sjednica Općinskog vijeća Gračanica, kojoj su pored vijećnika, Općinskog načelnika i njegovih saradnika, prisustvovali direktori javnih preduzeća i ustanova, predsjednici nadzornih i upravnih odbora, predstavnici Plenuma Gračanice, Udruženja građana GIA i medija. Na dnevnom redu našla se jedna tačka – Informacija o visini plata i drugih naknada u javnom sektoru općine Gračanica, visini vijećničkih naknada i plata uposlenih u Općini,

navodi se na web stranici Općine Gračanica.

Nakon dugotrajne diskusije vijećnici su jednoglasno usvojili sljedeće zaključke koje je ranije utvrdio kolegij Općinskog vijeća Gračanica:

- Visina osnovne plate Općinskog načelnika ne može biti veća od 3,5 prosječne plate u Federaciji BiH
- Visina osnovne plate predsjedavajućeg Općinskog vijeća ne može biti veća od 2,5 prosječne plate u Federaciji BiH
- Visina osnovne plate direktora JZU Opća bolnica „Dr. Mustafa Beganović“ Gračanica, JZU Dom zdravlja Gračanica i JZU „Gradska apoteka“ Gračanica, ne može biti veća od 3,0 prosječne plate u Federaciji BiH
- Visina osnovne plate direktora JP „Vodovod i kanalizacija“ Gračanica, JP „Komus“ Gračanica, JP Veterinarska stanica Gračanica, JU „Bosanski kulturni centar“ Gračanica, JU Centar za socijalni rad Gračanica i JU Dječije obdanište „Naša djeca“ Gračanica, ne može biti veća od 2,0 prosječne plate u Federaciji BiH
- Naknade predsjednika i članova upravnih i nadzornih odbora u preduzećima i ustanovama kojima je osnivač Općina, ne mogu biti veće od 200,00 KM za predsjednike i 150,00 KM za članove za mjesec u kojem se održavaju sjednice, a u mjesecu u kojem se ne održavaju sjednice naknada se umanjuje za 50,00 KM
- Naknada za regres za godišnji odmor u preduzećima i ustanovama kojima je osnivač Općina i u Općini Gračanica ne može biti isplaćena u većem iznosu od 50% od prosječne plate u Federaciji BiH
- Naknada za topli obrok u preduzećima i ustanovama kojima je osnivač Općina i u Općini Gračanica ne može se isplaćivati u većem iznosu od 8,00 KM po radnom danu
- Visina vijećničke naknade smanjit će se za 20% u odnosu na trenutno utvrđenu naknadu.



Sastanak predstavnika Općine Kladanja sa NVO „Insieme per Sarajevo“



Grb Općine Gračanica



Grb Općine Sapna

OPĆINA SAPNA OBILJEŽILA 16 GODINA POSTOJANJA I RADA

Općina Sapna 18. marta proslavila je svoj 16. rođendan.

Obilježavanje Dana općine počelo je 16. marta turnirom u odbojci na kome je učestvovalo pet ekipa. Prvo mjesto osvojila je ekipa Policijske stanice Sapna koja je u finalu savladala ekipu Građa promet Delić, dok je treće mjesto pripalo ekipi općine Sapna.

Aktivnosti na obilježavanju su nastavljene 17. marta uličnom trkom učenika Mješovite srednje škole Sapna kroz centar općine. U konkurenciji prvih i drugih razreda za učenice, najbrža je bila Zekira Jukić, dok je od učenika Ademu Omeroviću pripala prva pozicija. U selekciji trećih i četvrtih razreda prva kroz cilj prošla je Samira Vejzović, dok je od učenika najbrži bio Semir Muhamedbegović.



Istog dana u večernjim satima u općinskoj vijećnici održan je Festival sevdaha. Građani općine Sapna uživali su u izvanrednoj interpretaciji sevdalinke u izvedbi Amine Gušić, Aide Avdić, Fatime Mujić, Selme Hasanović i Mukadese Mujić. Specijalni gost Festivala Safet Bećirović iz Kalesije oduševio je prisutne izvedbom sevdalinke uz saz. Medalje i diplome najboljim učesnicima ulične trke, kao i zahvalnice učesnicima Festivala sevdaha uručio je Općinski načelnik Ismet Omerović.

Završetak svečanosti obilježen je Svečanom sjednicom Općinskog vijeća koja je održana 18. marta, na Dan općine Sapna. Općinski načelnik Ismet Omerović u svom referatu prilagođenom za ovu priliku govorio je o okolnostima, aktivnostima, akterima i procedurama postdejtonskog perioda bitnim do donošenja Zakona o konstituiranju novih općina i izmjeni područja općina podijeljenih međuentitetskom i međukantonalnom crtom u F BiH, kojim je formirana općina Sapna. Omerović je prisutnima predočio rezultate šesnaestogodišnjeg rada općine Sapna nabrojivši sve značajnije projekte koji su u period od osnivanja općine do danas realizirani, sa osvrtom na dosadašnje stipendiranje studenata i nadarenih učenika, te omogućavanje mladim visokoobrazovanim osobama da odrade volonterski staž.



“Nemogućnost zapošljavanja mladih ljudi je problem sa kojim ćemo biti suočeni u budućnosti, na čemu svi skupa moramo raditi više, kako nebi došlo do odlaska mladih i stručnih kadrova sa ovih prostora. Mi ćemo kao lokalna zajednica učiniti sve da stvorimo ambijent za potencijalne investitore koji će prepoznati našu sredinu za investiranje.”



Također očekujemo pomoć od viših nivoa vlasti kroz sufinansiranje određenih projekata i donošenje zakonskih rješenja, koja će omogućiti zapošljavanje mladih ljudi”, istakao je na kraju izlaganja Općinski načelnik.

“Nemogućnost zapošljavanja mladih ljudi je problem sa kojim ćemo biti suočeni u budućnosti, na čemu svi skupa moramo raditi više, kako nebi došlo do odlaska mladih i stručnih kadrova sa ovih prostora. Mi ćemo kao lokalna zajednica učiniti sve da stvorimo ambijent za potencijalne investitore koji će prepoznati našu sredinu za investiranje.”

Savez općina i gradova Federacije Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

POSJETITE NAS NA WEB-U

WWW.SOGFBIH.BA

U GORAŽDU MOGUĆA IZGRADNJA RIZORTA VRIJEDNOG 220 MIL USD

18. mart/ožujak – Da investitor iz Njemačke Valter Loman (Walter Lohmann) i njegov saradnik Jusuf Šogolj, porijeklom iz Zavidovića, nisu odustali od namjere da na prostoru Bosansko-podrinjskog kantona, zajedno sa svojim partnerima iz SAD-a, investiraju u izgradnju kompleksa hotela sa svim pratećim sadržajima namijenjenih za odmor i zabavu bogate klijentele iz inostranstva, potvrđuje njihov ponovni dolazak u Goražde i sastanak sa premijerom Bosansko-podrinjskog kantona Goražde, Emirom Fraštom, saopšteno je na sajtu Vlade BPK Goražde.

Oni su svoju namjeru da investiraju u ovaj projekt kantonalnim zvaničnicima izložili prije dvije godine. Tokom posjete Bosansko-podrinjskom kantonu Goražde obišli su potencijalne lokacije, te se informisali o postupku pribavljanja potrebne dokumentacije i dozvola za izgradnju.

U međuvremenu, investitori su pripremili idejni projekt, te osnovali firmu u Bosni i Hercegovini pod nazivom "Bosanski resort".

Tokom susreta sa premijerom Fraštom oni su još jednom izrazili spremnost da baš u ovom kantonu realizuju svoju investiciju, kao i izvjesnu dozu razočarenja što cijeli proces ide veoma sporo.

Promjena zakonske regulative kada je u pitanju Zakon o šumama, kao i spremnost kantonalne Vlade i njenog resornog Ministarstva za privredu da sa svoje strane pomognu u dobivanju potrebnih saglasnosti mogla bi cijeli ovaj projekt pomoći s mrtve tačke.

Ne treba zanemariti činjenicu da bi u izgradnju "Bosanskog resorta", prema tvrdnjama investitora, trebalo biti uloženo 220 mil. USD, te uposlano više od 2.000 radnika. Kompleks hotela imaće i svoje golf i teniske terene, ergelu konja, kao i ostale sadržaje koji prate ovakav tip luksuznih hotela namijenjenih turistima koji sebi mogu priuštiti odmor na visokom nivou. (E-Kapija)

U izgradnju "Bosanskog resorta", prema tvrdnjama investitora, trebalo biti uloženo 220 mil. USD, te uposlano više od 2.000 radnika.



Goražde